





竹汀先生日記鈔卷一

弟子何元錫編次

所見古書

題釋名後據陳壽吳志知其避地交州不當目爲魏初人  
宋生仁果以元板玉海出示卷首有筠溪老人手題後有范  
青之印圖章當是松江人中有正德元年二年補刊之葉蓋  
明正德間印本然亦難得矣

或問古學以何爲難曰不誤又問曰不漏此語見潛邱劄記  
然不誤亦談何容易卽以地理言之枚乘觀濤曲江百詩不  
從南齊書州郡志山謙之南徐州記而主浙江猶可也乃謂  
其時會稽郡併入江都國本欲云江都之曲江以二江字相

犯易爲廣陵豈非武斷之甚乎且攷其時會稽初不屬江都  
非誤而何謂湖廣之名起於元本宋荆湖北路荆湖南路止  
當沿其故稱以廣字涉虛也攷元立湖廣行省實兼宋之荆  
湖南北廣南東西四路廣字本非無著明時廣東西別爲省  
則不必更沿廣字而百詩亦不能別白言之非漏而何惜不  
能起百詩質之

讀東都事略宋祁傳攷其年月知唐書於慶歷中

當是四年

開局

至嘉祐五年書成恰十七年歐公在局不及七年故不欲專

其名西莊謂歐宋修史不同時者誤也

盧熊蘇州府志五十卷洪武十二年刊本前有宋濂序熊字



公武作志時方爲吳縣教諭以薦由工部照磨爲中書舍人  
前有圖一卷其書詳贍有法因悟續漢郡國志吳郡安縣卽  
婁縣之譌後人失於校改又增婁字於諸縣之末其誤自宋  
本已然

沈炳震歸安人乾隆丙辰薦舉鴻博不第未幾卒錢文端公  
督學順天嘗以其所著新舊唐書合鈔二百六十卷進御其  
後武英殿校刊二史頗采其說入考證亦有隱其名者沈  
書以舊史爲主而新史之互異者分注其下新史所增之傳  
則以類添入間有攷證亦在注中

文翔鳳西極篇十六卷詞意艱晦蓋拾太元潛虛之糟粕而

揚皇極經世之波瀾者也自題太微經亦可笑

盧抱經以校定熊方後漢書年表樣本見示聞鮑以文已刊入叢書矣其中如光祿勳鄧淵廷尉宣璠少府田邠見殺事在興平二年而誤列于元年又脫去光祿勳士孫瑞大長秋苗祀皆不可不補正

讀鉅鹿東觀集十卷鈔本

魏野詩

前有天聖元年樞密直學士

知益州薛田序本名草堂集薛易其名以身後贈祕書省著作郎故也

借讀陳季立第毛詩古音攷四卷屈宋古音義三卷顧亭林言古音實本於此其讀化為嬉為為怡則不如顧之得其正

也招魂砥室翠翹挂曲瓊些本與上寒溪蘭筵韻古文瓊璿本是一字也今改作強與下文光張韻則非其類矣此浴吳才老之誤而不攷說文故也

荅談階平札言攷異中解秦三十六郡據漢志正文非以解史記卽始皇紀廿六年分天下爲三十六郡分郡旣不於是年始豈必於是年止史家省文總敘於混一之年亦無足怪姚姬傳疑孟堅志有未備恐未必然

晉志始有四十郡之說其述三十六郡用裴駟

說與孟堅不合

黃蕘圃以江少虞事實類苑送閱據宋志是書兩見于故事

類事門俱云廿六卷此本有小序云始于祖宗聖訓終于風  
土雜志總六十三卷與宋志不合而書亦殘闕其存者卷一

至卷五祖宗聖訓卷十五顧問卷十六忠言卷十八至二十五禮典

音律三官政治績三衣冠盛事一官職儀制一卷三十卷三十一詞翰卷三十九至

四十一詩歌賦詠二文章四六一卷四十五至四十七仙釋僧道二卷五

十五至六十三忠孝節義二將帥才略二知人薦舉一廣知廣識二風俗雜誌一少虞自序

云二十四門今數之止十有七卽此十七門亦未必全也又

柳開河東先生集十五卷附錄一卷門人張景編咸平三年

景序鈔本序後有小字一行云胥山蠶妾沈彩書又李存俟

庵先生集三十卷亦鈔本與予所見大興朱氏家鈔本同又

李士瞻經濟文集四卷予向所未見據天順三年永新劉雋序似與其子繼本一山文集合刻繼本至正丁酉進士翰林檢討今其集不可得見矣

嘉興沙溪以靈臺祕苑十五卷求售似是贗本靈臺祕苑後周庾季本撰此卷首有編修官于大吉等看詳官王安禮歐陽發名而不言季才撰第一卷卽用丹元子步天歌丹元子係唐人其非季才書明矣

讀晦之廣正疏義釋詁篇未詳亦咲反三字因悟此三字當是曹憲音後人屢入正文咲當作妖亦妖正切搖字方言悒療治也去此三字則搖療連文矣張稚讓元本亦必是悒字

若搖乃常用字不須下音釋訓汎汎下有莢莢字亦是以音  
屨入正文與此正同

晤黃蕘圃見其所得三歷撮要一卷不著撰人亦無年月卷  
中引沈存中筆談當是南宋人作也其所引有萬通百忌諸  
歷名目甚多皆選擇所用未審三者何所指也又新校地理  
新書十五卷金明昌壬子古戴張謙校刊有序前有大定闕  
逢執徐歲平陽畢履道序攷宋志王洙地理新書本三十卷  
經畢張二家重校必多芟落每條之後間附謙說大約非皇  
祐之舊矣

黃蕘圃過談言史記有宋乾道蔡夢弼本及耿氏本

黃堯圃出示政和五禮新儀大金集禮段昌武毛詩集解前

淳祐八年國子監公據本孔叢子宋咸注七卷有成自序及進表時官廣

三十卷缺後三卷及衛風南西路轉運使大唐西域記辨機撰元奘譯鄭世子瑟譜十卷皆商邱宋蘭

暉家所藏也

通鑑綱目大全五十九卷

序文後有小榜云楊氏清江書堂新刊合尹起莘發

明自題遂昌柘溪布衣序無年月劉友益書法字益友廬陵人有凡例王幼

學集覽字行卿望江人泰定元年江克寬攷異至正三年自序有凡例徐昭文攷證

上虞人至正己亥自序五書刻之前有朱文公自序凡例與趙師淵論

綱目手書凡入嘉定己卯十月李方子後序咸淳乙丑金華

王柏後序李果齋刻此書未有凡例王魯齋始訪于趙氏趙與巒錄以校之乃刻于金華文天祐復刻之宣城



元至正初汪克寬得倪士毅本復刻於新安  
并摭刊本綱目與凡例相戾者二十二事

黃堯圃來以唐祕書省正字徐夔鈞磯文集見借夔字昭夢  
莆田人乾甯初進士釋褐祕書省正字據其族孫師仁序云  
家故有賦五卷探龍集五卷又於蔡君謨家得雅道機要又  
訪得詩二百五十餘首以類相從爲八卷并藏焉今本僅十  
卷則裔孫玩所編次賦詩各五卷而賦又缺其一云是錢氏  
也是園鈔本

海甯吳槎客以元中統二年刻史記索隱本見示首有校理  
董浦序云平陽道僉幕段君子成募工刊行者也又不全宋  
板漢書大字本厘十四卷前題漢護軍班固撰唐正議大夫

行祕書少監琅邪縣開國子顏師古集注與今本異每卷之

後記正文若干注文若干真宋本之最佳者黃蕘圃有南宋蔡夢弼本亦與

中統本同有集解索隱而無正義漢書大名在下卷首書文三王傳而篇中又別題梁孝王傳梁懷王傳與今本異式

晤黃蕘圃見宋淳熙三年撫州公使庫本禮記音義又惠松

崖山海經補注一本

與翁覃溪札有辨胡方平周易啟蒙通釋竹垞誤以朱文公

序為方平自序

讀段若膺說文解字讀第一本其用心極勤然亦有自信太

過者如艸部刪去芹字併造與菘字菘訓毒艸菘訓卷耳今

又疑示部之禪艸部之藟為後人增入又謂上諱不當有篆

文皆未可信

陳雲濤舍人招同汪竹香張秋濤觀宋鈔司馬溫公集注揚子太元凡六卷後四卷則襄陵許翰解擬韓康伯注繫詞之

例合爲十卷明時爲唐子畏所藏後歸錢同愛溫公所集宋

宋惟澣陳漸吳祕諸家。宋志有溫公集注太元經六卷而許翰元解四卷不載惟直齋所載與此本同

鏡濤以明萬歷八年大統歷殘本出示其與今本異者每月

交中氣後又數日而日躔某次少或六日多則十一日稱一日二日三

日而無初字建除十二辰在二十八宿之上書上下弦望而不書合朔亦不注時刻節氣有時刻而無分又月內有盈虛

日

晤袁又愷借得李仁甫續通鑑長編第一函卽永樂大典內  
鈔出之本也起建隆至元符三年正月其中尙缺治平四年  
四月至熙甯三年三月又自元祐八年七月至紹聖四年三  
月若徽欽兩朝則永樂大典亦無之也其分卷五百二十則  
館臣以意分析非李氏之舊矣

葉文莊公集三十卷

水東稿八開封紀行稿五棗竹堂稿六  
八涇東小稿八和山東名勝詩一

世孫九淵所刊明藝文志惟載文稿二卷詩一卷府志亦載

水東文稿二卷詩稿二卷棗竹堂小稿一卷俱不如此本之

備文莊又有奏草三十卷見於明志

府志作  
奏議

則予未之見也

得抱經札言魏未禪而書晉一條殊有別解

借嚴豹人鈔本龍龕手鑑四卷以平上去入爲次每部又以四聲爲次遼沙門行均字廣濟集有統和十五年燕京憫忠寺沙門智光序卽宋至道三年也

張冲之來談借得咸淳臨安志十六本乃從盧學士校本借

鈔者元目百卷

缺六十四九十九十八九十九一百其六十五六十六兩卷盧氏得宋本補入○竹垞云

予從海鹽胡氏常熟毛氏先後得宋槧本八十卷又借鈔一十三卷其七卷終缺焉

晤袁又愷臧在東見宋板爾雅疏

有正文而無注疏皆大字引韓詩筍彼圃田每葉三

十行行三十字公羊傳靈公有善狗作害狗

又翻刻朱文公周易本義十二卷前

有易圖卷末附筮儀五贊咸淳乙丑九江吳革刊本其雜卦傳邁遇也不作垢與唐石經岳倦翁本同可證文公本猶未

誤也向讀咸速也恆久也注惟咸速恆久四字甚疑之讀此本乃是感速常久乃悟俗本之誤

讀元板遼史不全本卷首有至正三年三月十四日三月廿

八日聖旨兩道為監本所無其一云篤憐帖木兒怯薛第三日其一云別兒怯不花怯薛第三

二日

讀分類補注李太白詩廿五卷春陵楊齊賢子見集注章貢蕭士贇粹可補注

集千家注批點杜工部詩廿卷須溪先生劉會孟評點俱無刊刻年月

顧安道過談送龔璠存悔齋詩一本又借得淳熙耿氏刊史

記本有集解與索隱而無正義每葉廿四行行廿五字前有

淳熙辛丑耿秉序後有廣漢張杆跋即介板心稱前跋當有

後跋而今失之矣

至圓妙觀閱道藏晤袁月渚沈肇新兩道士此藏乃萬歷戊戌年刷印頒行本也山海經郭氏圖讚系於每篇之後此它本所無

觀宋刻玉臺新詠小字本嘉定乙亥永嘉陳玉父刻甚工每葉三十行每行三十字唯焦仲卿詩新婦初來時小姑如我長中脫二句又曙字不缺筆

讀婁機班馬字類宋刻有兩本肅睿字一本但大書御名一本缺末筆

黃堯圃示宋刻後漢書第一本目錄後題建安劉元起刊於



家塾之敬室每葉二十行行十八字注中附劉攽攽證與監本同但有紀傳而無志耳

答黃蕘圃又見其所藏宋刻周益公集不全本李梁溪集亦

不全借唐大詔令八本

凡百三十卷缺十四至二十四八十七至九十八計缺二十三卷

與江叔雲札論易漢學中譌舛數事南史虞履占遇坤一節援引不全且有衍文水利在亥水利在亥當作刑引晉書加大餘誤作如求次卦誤作坎中備誤作辨終備六五譌作立

五

讀韓子明趙用賢刊本云舊亡和氏姦劫說林凡三篇今悉補次趙嘗見元何狝本序云舊有李瓚注鄙陋無取盡爲削

去因宋本具列仍存之

黃蕘圃齋中見宋刻舊唐書不全本每卷後有右文林郎充  
兩浙東路提舉常平司幹辦公事某校勘字卷首朱印紹興  
府鎮越堂官書八字每葉二十八行與聞人本同蓋卽從此  
本翻刻也又豫章先生集卷一至十九卽山房李彤洛陽朱  
敦儒編校之前集也

閱談階平讀論語一篇云釋文屢空力從反似空有龍音子  
檢詩釋文屢盟削屢婁豐三條皆音力住反乃知力從爲力  
住之譌陸氏爲屢音非爲空音也此條當寫以報盧學士

借黃蕘圃所藏元刻金華黃先生

潘

文集不全本

自卷一至卷十三卷

二十二至卷三十一  
初稿三續稿二十八臨川危素編次番陽劉耳校正有至正

十五年貢師泰序云初稿三卷則未第時作臨川危素所編

次續稿二十八兩字書估挖改卷則皆登第後作門人王生宋生所編

次也作序時晉卿年七十九尙無恙

借王氏宋板說文小字文每葉二十行行二十字分注字疎

密不甚勻大約每行三十字

晤黃蕘圃觀揭文安公文粹明天順中平湖沈琮有刊本云

是楊東里選

北監十三經有崇正六年祭洒吳士元題疏稱板一萬二千

有奇始刻於萬歷十四年成於二十一年至崇正五年冬奉

旨重修每葉十八行每行二十一字汲古閣本行數字數略

同惟板略小

黃蕘圃出示宋小字說文與述庵家藏本無異唯卷末多一

行有十一月江浙等處儒學字殆元翻刻也

宋刻朱文公校昌黎先生文集以文公攷異及王伯大音釋

分注於下

晤顧安道見宋槧經典釋文一本左氏末三卷又春秋左氏釋文

禮記釋文兩種亦宋刻卷首不題經典釋文但題春秋左氏釋文禮記釋文蓋與各經注疏相輔

而行者今監本周易注疏後別刻釋文亦宋時舊式也并見史記一部目錄後有一行

云三峯樵隱蔡夢弼傅卿校正又三皇本紀末有二行云建

溪蔡夢弼傅卿親校刻於東塾時乾道七月

當是年  
字之譌

春王正

上日書又五帝本紀末有墨長印文二行云建溪三峯蔡夢弼傅卿親校謹刻梓於望道亭

張朝樂竹軒以鈔本兩漢策要見示此書宋陶叔獻所纂有景祐二年阮逸序又金大定乙巳王大鈞序行楷甚工或云趙松雪所書也

黃堯圃過談云新得北宋本儀禮疏五十卷每葉三十行行二十七字經注不載全文但標起止唯中闕六卷耳又見北宋本漢書傳是宋景文手校本有倪元鎮跋每葉二十行行十七字每卷首小題在上大題在下中標班固姓名次行題

唐祕書少監上護軍琅邪縣開國子顏師古

周漪塘過談借後村居士集五十卷有淳祐九年林希逸序  
讀漢書嘉靖本卷首題福建按察司按察使周采提學副使  
周琬巡海副使柯喬校刊卷末題嘉靖己酉年孟夏月吉日  
侯官縣儒學署教諭事舉人廖言監修每葉二十四行行二  
十二字注中附三劉說以白文原父貢父仲馮曰字別之趙  
廣漢傳長老傳以爲自漢興以來治京兆者莫能及北宋乾  
興本無以來二字此本雖有之其增添痕迹分明故知此本  
原出於北宋本也

讀夢溪筆談校正劉句右卽劉昫之誤

第一卷故事編又  
誤分一條爲二

讀歐陽文忠公集五十卷每卷首題臨江後學會曾得之考  
異卷末題熙甯五年秋七月男發等編定紹興二年三月郡  
人孫謙益校正最後卷末題柔兆攝提格縣人陳斐允章重  
校譌謬此書於宋諸帝不跳行知爲元刻矣

晤顧抱冲觀所藏五經文字九經字樣前有開運丙午國子  
祭酒田敏序係常熟毛氏鈔本又司馬溫公切韻指掌圖後  
有嘉泰癸亥番陽董南一跋紹定中刊本也

讀陳淵默堂先生集廿二卷淵字幾叟一字知默延平人楊  
龜山弟子此集門人沈度編有楊萬里序

讀汪克寬春秋胡氏傳纂疏前有至正元年虞集序至元再



元之四年汪澤民序至正八年門人吳國英序凡三篇次凡  
例後題至正六年新安汪克寬謹書於富川任氏書塾次先  
儒格言次引用諸儒姓氏書目次胡氏春秋傳序及論名諱  
劄子及進表次胡氏春秋總論每葉二十二行每行二十一  
字

見北史舊本板心有信州路儒學刊或但云信州儒學每葉  
二十行行二十二字刻手不工然自是元刻明味經堂刻周  
易注附陸氏釋文頗似宋板每葉左線外標某卦某傳

晤袁又愷見宋刻朱文公詩集傳彼祖矣岐句下引沈氏說  
辨徂祖二文異同甚詳今坊本無之蓋明人妄刪失其舊矣

此大字本每葉十四行行十五字又地理指掌圖三冊序首

題西蜀蘇軾係後人託名然必北宋人所爲其中又雜入紹

興所改府名則南宋坊賈爲之耳

宋志有地理圖一卷指掌圖一卷不著姓名

讀唐書舊南監本每葉二十行行二十二字本是元翻宋板

而間有明人補刊之葉

板心有監生某某名但不書何年刊修

最後卷末有嘉

祐五年進書諸臣銜名又有是月二十六日準中書劄子奉

旨下杭州鏤板頒行及校對校勘諸臣并宰相富弼韓琦曾

公亮等銜名後來刊本皆無之

李尙之以同回歷三冊見示後有貝琳跋當卽琳所編七政

推步立成甚備舊鈔本也

讀舊本晉書黑口板每葉二十行行十九字卷首行大名在

下

讀平宋錄二卷上卷

丞相賀平宋表

太師淮安忠武王贈

淮安忠武王碑元明善撰

王廟碑劉敏中撰并書

起世祖至元元年入覲

丞相淮王畫像贊蘇天爵撰

下卷

至英宗勅立碑至正

三年正月跋失未葉

丞相伯顏公勲德碑史周卿撰

至元十三年建三十一一年重立寇元德跋

制淮忠武王廟碑王沂撰揭傒

斯書至正四年

渡江官員

黃堯圃過談借得祕書監志鈔本四冊

凡十一卷分門曰職

制曰祿秩曰印章曰

廨宇曰公移曰分監曰十物曰紙劄曰食本曰公使曰守兵

曰工匠曰雜錄曰纂修曰祕書庫曰司天監曰興文署曰進

賀曰題名承務郎祕書監著作郎王士點承事郎祕書監著

作佐郎商企翁編次前有至正二年五月公文一道計二百六十

五頁

晤江叔灑見柯本史記明嘉靖四年金臺汪諒刻莆田柯維

熊校正

費懋中序稱先有陝西翻宋本無正義江  
西白鹿本有正義而闕天官封禪三篇

借袁又愷所得玉峯志上中下三卷陽羨萬頃叔度開封  
邊寶宜學撰涪祐辛亥五月修刊於壬子二月有凌萬頃項  
公澤二跋又續志一卷則咸涪壬申出邊實一人之手有謝

公應及實跋

萬頃景定三年  
方山京榜進士

晤黃蕘圃見元板困學紀聞每葉二十二行行二十四字

晤周漪堂見其所藏南宋大字板兩漢書不全本每葉十八  
行每行十七字與去歲所見張騫傳行款相同間有元人重  
修之板其紙背多洪武中廢冊知爲明初印本也今本郭林

宗傳以注溷入正文一條此本獨不誤傳末茅容諸人亦不  
跳行皆與汪文盛本同

晤黃蕘圃見史記南宋大字板不全本每葉十八行行十七  
字有集解而無索隱正義僅司馬相如至汲鄭列傳數卷耳  
相如乃與馳歸成都家居徒四壁立今本無成都二字子虛  
賦赤玉玫瑰注郭璞曰赤玉赤瑾也今本注無赤玉二字又  
有後漢書南宋板亦不全每葉十六行行十六字每卷首有  
宋宣城太守范華撰唐章懷太子李賢注兩行并志三十卷  
亦列此二行斯爲誤矣而標題下仍有劉昭注補四字字畫  
工整殊便于老眼也

孫鑒文攜毛晃增韻不全本及太乙統宗寶鑑二十卷前有

大德七年曉山老人序而算積年至明正德丁丑止則後人

增入非元本矣又余仲林文選紀聞鈔本

止見前六卷  
到三都賦止

借李心傳建炎以來繫年要錄二百卷起建炎元年丁未終

紹興三十二年壬午其體例與李仁父長編同

黃堯圃示宋板不全左傳二部一爲小字本每葉廿四行每

行二十三四字不等一爲大字本每葉十六行行十七字

皆有杜解而無正義昭二十年衛侯賜北宮喜析朱鉏諡一

節注皆死而賜諡及墓田傳終言之兩本皆同卽何屺瞻所

見而閩百詩所歎賞者也

讀楊龜山先生文集二十八卷語錄二卷附黃去疾年譜係  
明刻本

靈臺祕苑十五卷卷首列看詳官翰林學士承議郎兼判尙  
書吏部集賢院提舉司天監公事上騎都尉劇縣開國男食  
邑三百戶賜紫金魚袋王安禮同看詳官奉議郎監粳米中  
第七界輕車都尉賜紫金魚袋歐陽發編修官司天監中官  
正權判司天監兼提點歷書賜紫金魚袋丁洵編修官司天  
監丞管勾測驗渾儀刻漏賜緋魚袋于大吉宋志載王安禮  
天文書十六卷疑卽此書惟卷數稍異或謂刪庾季才之書  
恐未然



文選六臣注南宋本每葉十八行每行十五字分注每行二  
十字每卷第二行梁昭明太子撰次行唐李善注次二行唐  
五臣呂延濟劉良張銑呂向李周翰注每卷末列校對校勘  
覆校姓名予所見六卷校對者州學司書蕭鵬州學齋長吳  
極校勘者鄉貢進士劉才邵鄉貢進士劉格非州學學諭管  
獻民州學直學陳烈鄉貢進士楊揖覆校者左從政郎充贛  
州州學教授張之綱左迪功郎新永州零陵縣主簿李汝明  
左迪功郎贛州石城縣尉主管學事權左司理蕭倬  
借袁氏三朝北盟會編鈔本每卷首題朝散大夫充荆湖北  
路安撫司參議官賜緋魚袋臣徐夢莘編有紹熙五年十二

月嘉平日自序凡二百五十卷政宣上帙二十五卷靖康中帙七十五卷炎興下帙百五十卷

晤黃堯圃周漪塘觀宋板儀禮注小字本每葉二十八行行

二十四字每卷末記經注字數末卷又總記經注字數士冠

禮建柶字經注俱不誤又見宋本儀禮疏單行本每葉三十

行每行廿七字凡五十卷內闕卷三十二至卷三十七末卷有大宋景德

元年校對同校都校諸臣姓名及宰相呂蒙正李不著名參政

王旦王欽若銜名又見爾雅疏單行本與袁氏所藏本行款

悉同又宋刻列女傳八卷上層有顧愷之畫像鐫刻極工目

錄後有嘉定七年武夷蔡驥孔良跋七卷之目曰母儀賢明

仁智貞順節義辨通嬖孽末一卷則後人所續也又蘇平仲文集十六卷明初刊本有宋濂劉基序又有南宋春秋左傳注附釋文本北宮貞子云未死而賜諡與岳本同麟臙作鱣恐誤

借戈氏所藏永樂實錄百三十卷

南雲閣所鈔本甚工整

前有宣德五

年正月廿一日序監修官三人太師英國公張輔少師兼吏部尚書蹇義少保兼太子少傅戶部尚書夏原吉總裁官六人少傅兵部尚書兼華蓋殿大學士楊士奇太子少傅工部尚書兼謹身殿大學士楊榮太子少保禮部尚書兼武英殿大學士金幼孜戶部尚書兼謹身殿大學士陳山禮部尚書

兼華蓋殿大學士張瑛太常寺卿兼翰林院學士楊博纂脩  
官二十七人左春坊大學士兼翰林院侍讀學士曾棨右春  
坊大學士兼翰林院侍講學士王英右春坊右庶子兼翰林  
院侍讀學士王直左春坊左諭德兼翰林院侍讀周述翰林  
院侍讀李時勉翰林院侍讀錢習禮翰林院侍講余學夔陳  
循蔭從善蔣驥翰林院修撰苗衷曾鶴齡張洪劉永清翰林  
院編修周敘孫曰恭楊敬翰林院檢討周翰王雅楊翥翰林  
院五經博士陳繼戶部主事陳中四川道監察御史陳叔剛  
福建布政司右參議潘奎知縣萬節教授邱錫教諭梁萼

黃堯圃過談言所見漢書宋板湖北庾司本有紹熙二年張

孝曾跋及梅世昌諸人題銜每葉廿八行行廿四字

借明宣德實錄凡百廿卷起洪熙元年六月終宣德十年正月監修唯太師英國公張輔一人總裁五人少傅兵部尙書兼華蓋殿大學士楊士奇少傅工部尙書兼謹身殿大學士楊榮禮部尙書兼翰林院學士楊溥詹事府少詹事翰林院侍讀學士王直詹事府少詹事兼翰林院侍讀學士王英纂修三十人行在翰林院侍讀學士李時勉行在翰林院侍讀學士錢習禮司經局洗馬蘭從善行在翰林院侍讀苗衷曾鶴齡馬愉行在翰林院侍講高穀胡種祁寬行在翰林院修撰周敘尹鳳岐習嘉言孫日恭陳叔剛陳詢曹鼐儀銘王一

甯杜甯儲懋行在翰林院編修楊翥董璘楊壽夫林文鍾復  
行在廣西道監察御史邵宏譽行在禮部主事劉球行在兵  
部主事劉鉉行在工部主事洪璵行在大理寺左評事張益  
前有正統三年四月御製序及進表

讀黃蕘圃所藏元統元年進士錄第一甲三人第二甲十五  
人第三甲三十二人左右榜皆同蒙古色目各二十五名爲  
右榜漢人南人各二十五名爲左榜

讀明景泰元年正月至六年十二月實錄卽附于英宗實錄

中曰廢帝郕辰王附錄

自第五至第七十九乃英宗錄第一百八十七至第二百六十一也

晤周漪塘見論語注疏本於宋諱旁加圈識之首葉板心有

正德某年刊每卷標題注疏下多解經二字每葉二十行每行十八字小字每行二十餘字當是元人翻宋刻正德修板也

借黃蕘圃平水新刊韻略五卷前載正大六年己丑季夏中旬河間許古道眞序云平水書籍王文郁攜新韻見頤庵老人曰稔聞先禮部韻或譏其嚴且簡今私韻歲久又無善本文郁累年畱意隨方見學士大夫精加枝離又少添注語旣詳且當不遠數百里敬求韻引云云是此韻爲王文郁所定也次列聖朝頒降貢舉三試程式其御名廟諱一條稱英宗爲今上皇帝次列壬子新增分毫點畫正誤字三葉壬子新

雕禮部分毫字樣三葉每卷題新刊韻略某聲第幾并上下  
平各爲十五上聲二十九去聲三十入聲十七以一東二冬  
三江四支五微爲序而目錄仍注獨用同用如東第一獨用  
冬第二與鍾同用支第四脂之同用之類猶用禮部韻舊名  
也卷末有墨圖記二行云大德丙午重刊新本平水中和軒  
王宅印世人謂平水韻并二百六部爲一百七陰時夫又并  
上聲拯韻讀此本知平水韻已并拯等于迴矣又見宋本程  
俱北山集四十卷有葉夢得序中吳鄭作肅後序末卷附程  
瑀所撰行狀紙背皆乾道中文冊此南宋板之佳者

讀司馬溫公潛虛及張敦實發微論後有淳熙壬寅泉州教



授陳應行跋係毛氏影宋鈔本袁又愷所藏

見周宏祖古今書刻上編記書籍下編記石刻皆分省排列  
晤袁又愷見徐鍇篆韻不全本前有長方印文云欽差處置  
邊務關防云是葉氏藏本又有明刻萬玉堂本太元經范望  
注甚精

晤周漪塘見舊槧本廣韻與亭林所刻本同

晤周漪塘見大金集禮四十卷中數卷有脫文

堯圃過談云有宋人所刊國朝二百家名賢文粹又見宋刻  
龍龕手鑑三本中一本係鈔本序中鏡字缺筆

讀黃堯圃所藏宋刻列子小字本每葉二十四行行二十五

字張注之外不附釋文顧千里云殷注似宋人僞託當卽出  
碧虛子陳景元之手釋文焦然字音焦宋本焦不从火旁

嚴久能以宋刻陸宣公翰苑集見示

讀元刻歷舉三場文選易書禮記春秋各八卷易安成劉仁初編書劉

霽天章編禮亦劉仁初編春秋劉霖雲章編又大科三場文選不分卷安成周

專輯

讀宋刻名公書判清明集止戶婚一門

晤顧千里見元賦青雲梯鈔三冊

嚴久能以宋板夷堅志四冊見示元人重修本也有沈天佑

序

李尙之來談借得測圓海鏡十二卷有戊申歲自序及至元二十四年王德淵後序

顧抱冲過談云有李燾長編宋二百家文粹及宋槧李壁注王介甫詩施元之注蘇詩不全本

觀黃堯圃所藏元板石田先生文集十五卷又宋板荀子每葉八行行十六字

趙汝愚皇朝名臣奏議一百五十卷進表稱名臣而卷首作諸臣小異前有淳熙十三年汝愚進呈劄子不書官又有進呈自序汝愚時以龍圖閣直學士朝散大夫四川安撫制置

使兼知成都府不署年月其書分門十二道君道百官帝繫儒學天

禮樂 刑賞 財賦 邊防 總議 每門又各有子目

讀孫奕履齊示兒編共二十三卷 總說一 經說五 文說一 詩說一 正誤三

雜記四 開禧元祀九月上浣廬陵孫奕自序明榮陽潘膺祉

字說六 校刊

得吳查客札寄列女傳跋一篇據藝文類聚御覽諸書謂當有嫫母傳

讀李衡周易義海撮要十二卷其自序云易義海熙甯間蜀人房審權所編房謂自漢至今專門學不啻千百家今斥去雜學異說摘取專明人事羽翼吾道者僅百家編為一集仍以正文冠之端首釐為百卷或諸家說有同異復援父師之

訓朋友之論輒加評議附之篇末衡得是書而讀之其間尙有意氣重疊文詞冗瑣者載加刪削而益之以伊川東坡漢上之說庶學者便于觀覽云紹興庚辰十一月辛巳江都李衡彥平遂安雙清堂書按房書不載於宋志其所取百家之目已無可攷姑就李書所采宋人姓名其見於宋志者僅王昭素胡旦代淵石介胡瑗宋咸阮逸劉牧陸秉陳高鮮于侁王安石十餘人若王逢陳皋陳文佐楊繪金君卿孫坦薛溫其王錡李暉盧穆劉緯呂陶袁建薄珠龍昌期張簡勾微其撰述世無傳者又有單舉姓若龔若鄭非康成單舉名若遵者蓋莫可攷矣

讀珞礫子三命指迷賦岳珂注

晤周漪塘見毛氏影金刻鈔本成無已傷寒論十卷小字密行前有皇統甲子洛陽嚴器之大定壬辰澠池令魏公衡武安王絳三人序後有冥飛退翁王鼎後序凡四冊又傷寒明

理論二冊大字亦影金鈔本

皆黃蕘  
圃所藏

讀路振九國志此書久不傳邵二雲於永樂大典中鈔得傳百三十六篇周有香

夢棠

排次爲卷十二其書稱荆南曰北

楚王伯厚元九國志凡四十九卷其孫綸增入荆南高氏治平元年六月上之實十國也陳振孫則云末二卷張唐英補撰合五十一卷

晤黃堯圃見鈔本翰林珠玉六卷

讀鍾廣漢歷代建元攷五卷

讀宋槧本北山小集四十卷皆用故紙刷印驗其紙背有烏程縣印歸安縣印湖州戶部贍軍酒庫記湖州監在城酒務朱記監湖州都商稅務朱記湖州司理院新朱記湖州司獄朱記皆乾道六年簿籍也程致道詩文皆有法前有葉夢得鄭作肅二序後有程瑀撰行狀

讀李冶益古衍段三卷前有己未六月自序及至元壬午鄆城視堅序蓋從四庫書鈔出者

馮補亭過談讀盧鎮重修琴川志十五卷蓋卽孫應時鮑廉

次第所修之本而重刻之耳自跋云其續志則始于有元今續志不可得見矣

李尚之來示秦九韶數學九章第一本

係四庫館本

自序末題淳

祐七年九月魯郡秦九韶序其目曰大衍曰天時曰田域曰測望曰賦役曰錢穀曰營處曰軍旅曰市易其大衍篇中有立天元一之名卻與測圓海鏡所述不同直齋書錄解題有數術大略九卷魯郡秦九韶道古撰蓋卽是書直齋所錄崇天紀元二歷云近得之蜀人秦九韶道古然則九韶先世蓋魯人而家於蜀者也

借戈小蓮江湖小集劉過龍州道人詩集

趙崇錡鷗渚微



吟 斯植采芝續稿 高似孫疎寮小集 姜夔白石道人

詩集 葛天民無懷小集 俞桂漁溪詩稟 二 漁溪乙稟

劉翰小山集 張良臣雪牕小集 張蘊斗野稟支卷 黃

大受露香拾稟 葉紹翁靖逸小集 張弋秋江煙草 余

觀復北牕詩稟 羅與之雪坡小稟 二 斯植采芝集 朱

南杰學吟 王琮雅林小稟 洪邁野處類稟 上 林同孝

詩 李萼梅花衲 翦綃集 二 唐昔集 宋伯仁雪巖吟草

戴復古石屏續集 四 姚鏞雪篷稟 林尚仁端隱吟稟

劉翼心游摘稟 許棐梅屋詩稟 吳汝弋雲卧詩集

陳鑒東齋小集 元名 武衍適安藏拙餘稟 趙汝鏕野谷

詩彙六

徐集孫竹所吟彙

樂雷發雪磯叢彙

五癸丑特科

狀元

何應龍橘潭詩彙

毛珣吾竹小彙

鄧林皇菴曲

劉仙倫招山小集

嚴粲華谷集

張玉龍雪林刪餘

杜

旃癖齋小集

施樞芸隱勸游彙

芸隱橫舟彙

讀孟元老夢華錄十卷係元板明初印紙背爲國子監生功

課簿有紹興丁卯元老自序及淳熙丁未浚儀趙師俠後序

黃堯圃云新得宋板歷代紀年量伯咎撰攷宋志晁公邁歷

代紀年十卷卽此書也

讀胡宏皇王大紀八十卷有紹興辛酉四月自序咸淳甲戌

重九日天台董楷跋其第一卷三皇紀

盤古氏地皇氏

天皇氏人皇氏

有巢氏太昊伏犧氏 驪連氏栗陸氏 中央氏

遂人氏柏皇氏 大庭氏赫胥氏 尊盧氏

啟統氏一作混沌氏 昊英氏朱襄氏 葛天氏陰 第

康氏無懷氏凡十三氏皆祖包犧氏 炎天神農氏

二至第四五帝紀黃帝至堯舜 第五至八十三王紀自夏禹至周赧王 明

萬歷辛亥高安陳邦瞻刻於閩中其三皇紀多敷衍皇極經

世浮悠之說殊無足取唯乾西北坤西南方位圖系於伏羲

不系於文王猶勝先天後天之強生分別耳

讀張師顏南遷錄一卷卽直齋書錄所稱金人南遷錄也其

書世宗年號曰興慶興慶四年世宗晏駕 章宗號曰天統天統四年誅鄭王允躍

而泰和至十四年泰和之後有天定皆與金史不同又稱章

宗與磁王允明皆被弑濰王允文嗣立五年而殂淄王允德

繼之乃南遷汴與正史全不相應直齋亦稱其歲月牴牾想是宋人偽造也師顏署銜稱通直郎祕書省著作郎騎都尉賜緋有大德丙午浦元玠序至正戊戌浦梅隱跋梅隱蓋元玠別號

讀丁特起靖康孤臣泣血錄僅一卷據直齋解題是書本三卷拾遺一卷此從明長州張豫誠刊本影鈔有王在公序疑非足本又南燼紀聞題云辛棄疾著竊憤錄竊憤續錄不題撰人其實卽一書強析爲三要亦好事者偽造耳

讀葉石君金石文隨錄手彙六大冊何夢華家藏

鏡濤處觀日本國人所刊合類節用集大全一本蓋其國訓

蒙書後題貞享二年乙丑卽明嘉靖四十年也

讀宋文鑑一百五十卷明嘉靖五年晉府志道堂刊本前有周必大奉勅撰序及呂祖謙進書劄子謝賜銀絹除直祕閣表

讀宋刻三秭撮要五十七葉其所引有萬通秭百忌秭萬年具注秭萬年集聖秭會要秭會同秭廣聖秭大率皆選擇家言其書不題撰人姓名又無著書歲月以所引沈存中夢溪筆談推之當是南宋所刻也每月注天德月德月合月空所在次列嫁娶求婚送禮出行行船上官起造架屋動土入宅安葬挂服除服詞訟開店庫造酒麪醬醋市賈安牀裁衣入

學祈禱耕種吉日凡廿二條蓋司天監用以注朔日者又嘗引劉

德成方操仲汪德昭倪和甫說蓋皆術數之士今無有能舉

其姓名者矣又引彈冠必用

讀楊光先不得已光先新安人康熙四年上疏劾湯若望授

欽天監監正雖于推步非專門其駁耶穌異教禁人傳習又

稱時憲書面葉不宜列依西洋新法五字則為讜論

借黃蕘圃所藏宋刻魏鶴山集前有吳淵序後有吳潛後序

又有開慶改元五月成都府路提點刑獄跋失其姓名云據

跋所言是舊有姑蘇溫溪兩本皆止百卷至是始以周禮折

衷師友雅言并它文增入為一百十卷題云重校鶴山先生

竹汀先生日記鈔卷二

弟子何元錫編次

所見金石

定州學右壁嵌雪庵書六言四絕雪庵者元僧溥光也定州志以爲明學士李光溥作誤矣溥光本李姓元朝授爲集賢院大學士領頭陀教

顧寧人謂填諱非古法予嘗引周益公集已有填諱以證出於宋世今按趙州永安院度僧記馬瑒撰馬瑒書元豐八年九月此碑馬瑒記其父正甫奏詩度僧事而末行題平昌孟永填諱則北宋已有之又和平園之前矣

讀虎邱觀音經石刻凡九十二行每行下列書人銜名亦有

一行而列兩人書者然經文字畫實係一手所爲蓋假諸公姓名爲重耳不如杭州六如塔四十二章經出自各人親筆也

見顏魯公書元靖先生碑未碎本

張芑堂來談并言及宮巷口小塔記其軋悉爲人取去有賣磁盃者得其一有隆興二年字驗之乃虞氏婦傅氏妙喜爲亡夫資冥福而作其地名條坊巷今譌爲調豐矣吳中古刻殊少搨而記之

讀吳槎客國山碑攷知此碑四面東面十四行南面九行西面十四行北面六行循環讀之可辨者千有餘言余向所收



及吳山夫所釋者尙非全本也

讀貞元無垢淨光塔銘貞元十五年福州觀察柳公監軍使  
魚公以皇帝誕日建此塔觀察推官前祕書省校書郎庾承  
宣撰正書無姓名以梁克家三山志攷之蓋觀察使柳冕監  
軍使魚獻也

嚴子進送雲巖山盈豐莊廟宋碑一通乃景定四年三月封  
劉錡爲楊威侯天曹猛將之神勅也石刻太平興國宮宮譌  
作定驗爲後人翻刻

讀翁覃溪兩漢金石記有睢陵家丞一印疑漢無此侯國子  
攷晉書王祥封睢陵侯後進爵爲公此家丞必晉印也

黃小松言鄒縣小鐵山有北周摩崖碑方畝許後有甯朔將軍字

晉燕亭以萍鄉縣二唐碑見贈一爲楊岐山禪師乘廣塔銘  
劉禹錫纂并正書元和二年五月一爲甄叔大師塔銘沙門  
至閑撰元幽書大和六年四月又天祐十一年鐘款一今在  
澤州燕亭又以鳳墅帖第十二卷見示首題米帖蓋米元章  
多景樓甘露寺二詩皆大字又附以元暉二帖元暉帖甚佳  
一與庭實宣款  
一與壽聖介公此帖惟予家有南渡名相南渡執政二卷今  
復見此未識天壤間更有他卷流傳否

得黃小松札云於鄒縣之尖山剛山鐵山得摩崖佛經皆北

齊北周刻有韋子深唐邕等銜及武平大象等年號字大者  
二三尺小字亦七八寸

游雙塔寺得宋碑二其一提舉常平司公據寶慶元年口月  
正書一爲再簡華老絕句行書後題壬辰中春而不署名下  
方有住持僧普華跋知爲提舉詩其人似趙姓也紹定五年  
十二月正書又入東禪寺僧近學俗姓金云是吾邑黃渡人  
與同訪林酒仙祠祠有石刻酒仙詩本淳祐八年張卽之書  
今存者明祝允明重書本耳

得宣城張惺齋書寄宋理宗賜杜範勅有嘉熙三年七月杜  
範跋又元江東建康道廉訪司題名記王士熙撰卜顏帖睦

見書不著建立年月當在元統間題名使副使僉事各二列  
後有至正間續題者故字畫體例不甚整齊耳

讀後魏懷令李超墓誌文有正光五年卒越六年正月丙午  
朔以術推之知爲正光六年卽孝昌元年也

蔣春臯攜宋搨保母甄卷後有姜堯章跋極詳及元趙松雪  
鮮于伯機龔聖予諸人跋

鏡濤以所得牙印一方出示文云清淨吉祥左右旁鐫宣德  
二年月日賜刺麻札思巴鎖南其鈕圓輪周刻花瓣承以蓮  
花當卽波羅密也

晤蔣春臯觀定武蘭亭肥本後有趙子昂與萬戶親家帖云

是受雲溪所藏雲溪未詳何人予疑是僧名若噩夢堂訢笑  
隱之類耳又見漢婁壽碑不全本末有貞觀二年題字有豐  
道生跋云是無錫華中父眞賞齋所藏又有夏承碑亦佳又  
有李北海書雲麾將軍李琇碑二冊一云唐搨一云宋搨皆  
未可信要是未斷時搨本亦難得也

黃椒升以晉率善倭佰長印見示不知倭字何義予據後漢  
書板楯蠻傳定爲蠻部落之號

蔣春臯以宋搨鐘鼎款識冊共三十一葉見示中有畢良史送秦伯

陽十五種又有紹熙四年榮芑題朱竹垞跋謂秦氏敗歸於  
王厚之後歸趙松雪明爲項子京所藏又歸曹倦圃朱竹垞

馬寒中有竹垞查初白諸人跋

得汪秀峯札并摹寄官印文二紙一云提控所菜字印

二行方二

寸興定元年九月行宮禮部造一云恩州饒陽鎮酒稅務記

三行方一寸有半大觀三年二月少府監鑄

何夢華寄武康縣新出風山靈德王碑寶正六年重光單闕  
歲末題天下都元帥吳越國王卽後唐長興二年也又蕭山  
縣崇化寺西塔基記文稱吳越王長舅鄭國公吳延福載興  
塼塔二所而未題唐下元戊午年此殊可疑戊午周顯德五  
年何以不稱周而稱唐耶

觀後周保定四年造像記中有姓甲井者予疑是罕字檢廣

韻羌複姓有罕井氏

何夢華贈吳越國故僧統慧日普光大師塔銘後題元年歲次甲午元年上字已磨滅蓋文穆王嗣位之第三年後唐應順元年其四月潞王改元清泰矣

得海鹽吳侃叔札寄澹浦禪悅寺鐘款元延祐七年十月十一日住持沙門懷寶題行書此鐘首題奉佛中大夫前浙東道宣慰副使僉都元帥府事楊梓男初雄振杰孫男泰孫元孫後云報薦宣授懷遠大將軍池州路總管輕車都尉宏農郡侯先考楊公宣授宏農郡夫人先妣杜氏宣授宏農郡夫人先室陸氏門中祖祚親姻俱仗良緣同超淨土

可廬過談以上虞縣受水壺銘遺予至正乙巳五月江浙儒學副提舉揚彝撰并書後有同僉樞密院事張子元樞密院副使張啟原方永知樞密院事方國珉諸人名蓋方國珍據浙東日嘗置江浙行樞密院分治上虞新城因鑄刻漏爲晨昏之節而揚彝爲之銘也揚字从手旁蓋取漢書揚雄傳

何夢華寄示巡檢司印四旁皆有正書一云龍興式柒年月空日一云監造官樊一云州府剗付潭州大潭

一云巡檢司印龍興係趙諗僞號式柒年月或是二年七月文偶顛倒耳潭州今長沙府

福興寺張從申碑金部郎中潁州許撰碑末歲在庚戌六



月建蓋大厯五年也

鏡濤于光福寺中得唐尊勝陀羅尼幢二一大中五年五月

月宋光福寺銅觀音記元祐二年三月正書軍府帖乾道三年正書上方教院

募到檀越捨田名嘉泰元年仲冬月上層隴西碑陰元延祐

六年五月住光福祈禱道場免役公據上層寶祐六年十二

山了清跋又住持斯蘊地畝記三層至正二十

年僧了傳地畝記劉郎中題跋四層至正四年三

局觀袁跋又至正碑陰錢元平江路總管祈請光

福銅觀音感雨詩上層逸齋李截詩并序下層住山希住山

僧捨田記泰定四年十月正書

得汪龍莊札并寄宋碑二道一爲山陰縣新建廣陵斗門記  
張燾撰并正書嘉祐八年十月一爲帶御器械張墳壙刻孤  
哀子萊孫稱孫識從事郎資善堂檢閱劉仰祖填諱張墳之  
妻長興縣主爲榮文恭王之妹榮王則理宗本生父也其卜  
葬以癸丑歲十一月蓋寶祐元年也

鏡濤得光和六年題名一紙字體在隸楷之間似非漢刻或  
是光初紀年也

印庚實屬題蜀平章王錯書妙法蓮華經殘葉云得之潼川  
府琴泉寺有武成三年字蓋王建年號也

讀蜀石經左氏傳昭公二年凡三十六行起子也  
夫子盡女  
韓起

罪之不恤而正文三百九十五字注二百六十七字中脫一

行子叔子知禮哉吾聞每行十四十五字不等

蔣春臯招午飯同席陸謹庭及仲升觀游丞相所藏蘭亭一

為紹興御臨及江南麻道崇本皆向子一為復州九江二本

一為九江唐安二本一為不知所出本皆以十干標次當有

百本今止得其八而范大師本又僅存題跋耳乃宋牧仲汪

晤汪稼門閱大觀帖十卷卷末俱有大觀三年正月一日奉

聖旨摹勒上石字常熟邵氏所藏也

觀蜀石經詩經殘字一冊起召南鵲集前有至邶風二子乘

舟止中間淵民察三字缺筆察為孟知祥祖諱淵民則唐高

祖大宗諱孟氏雖竊帝號猶未自絕于唐也

讀蜀石經毛詩殘本江有汜之子歸子下多于字

三章竝同

迨其

今兮其作及憂心殷殷不作慙不我能慙不下有以字不瑕有害有作不泄泄其羽泄泄作洩洩知祥名上一字不避與左傳殘字同歐陽公五代史云知祥父名道蜀檇杙則云名獻此刻道字屢見皆不缺筆似歐史誤也

得孫淵如德州札并寄新出土高貞碑大代正光四年刻文稱世宗武皇帝無宣字又清暈發于載卡卡字或是年字之

誤

鏡濤來以石刻孝經見示正書後題熙甯壬子八月書付姪

慥不知何人也

竹汀先生日記鈔卷二

不暇與人也

嘉定錢竹汀先生主講吳郡之紫陽書院四方賢士大夫及諸弟子過從者殆無虛日所見古本書籍金石文字皆隨手記錄窮源究委反復攷證於行款格式纖悉備載蓋古人日記之意也自乾隆戊申迄嘉慶甲子凡十六年元錫昔日過吳謁先生於講塾得見稿本今先生往矣單詞片語悉可寶貴今年秋七月晤先生從子繹于長興縣齋談及遺書遂假錄清本以歸嘉慶十年乙丑九月弟子錢唐何元錫謹跋